

王旭高先生

臨證醫案

光緒戊戌琴川方

氏刻於倚雲吟館

王旭高臨證醫案序

臨證醫案非古也。古人視病不立案語。但書方藥。自宋設醫學科。命題考試醫生。取其學問高等者入太醫局。自後醫生診病。相沿先立案語。後書方藥。但隨作隨棄。無有輯之者。如宋之許知可、張季明、明之薛立齋、陳維宜、孫文垣以及國初喻嘉言、徐大椿輩。雖有醫案。類皆因治療效驗。筆諸於書。其文乃記事。非臨證也。良以病多轉變。方難一定。恐坭學者眼目。故作者翹置之。然余謂醫之有方案。猶名法家之有例案。文章家之有試牘。對病書方。因題立義。相對斯須。人之性命係焉。已之得失亦係焉。雖不足爲

根柢之學而病者之情形醫者之學識心思盡在於是苟能溯其脈證觀其變化奚啻與病者醫者一堂共語不大可觸發手眼哉故葉氏臨證指南海內風行然葉案語意高深方多平淡學者踐其迹未必入其室因葉負一時重名所視者非富貴膏粱卽病深氣竭貧賤初病者寥寥焉蓋氣體不同方法卽異讀其書而得其用者鮮矣余舊得無錫王泰林旭高先生方案二卷愛而藏之以篇頁無多未梓更求二十餘年不可得客春游梁溪訪老友劉君石香石香出十卷示余云新得於李氏者亟假歸讀之其心思之敏見識之超清華而不高深靈變而有矩矱視葉案

易於學步且覆診甚多前後推究考其得失尤足以資助
學者因并余所藏者去其重複合而選之閒有字句冗沓
率意處畧爲刪整依類編次分二十六門每門附以拙論
畧見大意其有精警與未愜意者復隨案指出正之有道
非敢有意毀譽也原書十卷約得五六釐爲四卷命兒輩
錄出不敢自私付之梓人以公同學焉

光緒二十三年丁酉孟春耕霞方氏序於倚雲吟館

王旭高臨證醫案目錄

卷之一

溫邪

暑邪

伏邪

瘧疾

痢疾

黃疸

卷之二

類中風

肝風

虛勞

吐血

腫脹

卷之三

積聚

蟲積附

皖痛

噎隔

三消

痰飲

痰喘

卷之四

欬嗽

疝氣

遺精淋濁

瘰癧

雜病

婦人

產後

幼科

外瘍

王氏醫案

無錫王旭高著

後學方仁淵耕霞參訂

姪履成吉卿

子應麟孟祥校刊

溫邪門

某久患三瘡未愈勞力更感風溫而發時證及今八日壯熱煩躁汗不能出疹不能透熱鬱蒸痰神糊囈語兩脇疼痛難以轉側胸悶氣粗動則欲厥所以然者邪熱與痰傷混合痰濁與氣血交阻莫能分解以致擾亂神明漸有昏喘之險

豆豉

五錢

蘇梗

一錢

鬱金

一錢

赤茯苓

三錢

連翹

三錢

丹皮

錢半

當歸

三錢

杏仁

三錢

天竺黃

錢半

木通

一錢

猩絳

七分

菖蒲

五分

青葱

枇杷葉

淵按鬱金杏仁解氣鬱當歸葱猩解血鬱豆豉蘇梗
從裡達表尤宜佐黃芩鮮地等以解熱鬱否則熱不
解而諸鬱亦不開熱蒸痰阻陷入胞絡易易

宋 濕溫過候癰疹並見心胸煩懊神識模糊脈數混混
而不清舌心苔乾而不膩濕蘊化熱熱漸化燥氣粗短促
目赤耳聾陰精下虧風陽上亢慮其內陷昏瘡擬生津達
邪兼芳香逐穢

鮮斛 淡豆豉 竹茹 連翹 橘紅

赤苓 天竺黃 黑梔 菖蒲 鬱金

羚羊 陳胆星 牛黃清心丸五分 加犀黃二三釐

又 濕溫邪在太陰陽明濕勝於熱太陰爲多熱勝於濕
陽明爲甚日晡煩躁陽明旺時也口雖渴苔仍白膩乃濕
蘊化熱餘濕猶滯氣火薰蒸蒙蔽清竅故癰疹雖透而神
識時糊脉沉小而數疾皆邪鬱不達之象倘若熱甚風動
變勁便難措手

半夏 赤苓 鮮斛 連翹 川連姜汁炒

菖蒲 通草 豆豉 鬱金 益元散

竹茹

茅根

黑梔

淵按宜參涼膈散緩緩通下不致下文化燥內陷耳
蓋濕溫雖不可早下而熱勝挾滯者不下則熱邪挾
滯不去濕邪亦從熱化燥化火也

又濕溫旬日脈數較大於昨熱勢較盛於前所謂數則
煩心大爲病進並非陰轉爲陽自內達外之象舌苔白厚
上罩微灰面紅目赤陽盛之徵頭昏耳聾陰虛之象小溲
窒塞氣化不及也當生津以徹熱利竅以化濕救陰不在
腎而在生胃津去濕不可燥而在通小便蓋汗生於津津
充汗出而熱解小腸爲心之府小便通利心火降而神清

此名言儻論

羚羊角

赤苓

菖蒲

竹黃

澤瀉

益元散

知母

鮮斛

通草

竹葉

鮮薄荷根

另用珠子五分血珀五分爲末調服

淵按名言儻論勿草草讀過

又濕熱鬱蒸如煙如霧神識沉迷脈時躁時靜靜則神
倦若寐躁則起坐如狂邪內陷矣雖便不通而腹鳴不滿
腸胃不實其糞必澹未可驟攻下之大凡溫邪時症驗舌
爲先今尖苔白上罩微霉邪在營氣之交葉氏云邪乍入
營猶可透熱仍轉氣分而解如犀羚羊元翹等是也從方此
立參以芳香宣竅

犀角

羚羊角

鮮斛

竺黃

元參

連喬

益元散

赤苓

竹茹

至寶丹

一粒

又

前方加鮮地瓜婁仁枳實

又

舌黑而乾濕已化燥頻轉尿氣腕腹按痛邪聚陽明

腸胃已實當商通腑但小便自遺腎氣虛也正虛邪實津

枯火熾惟有瀉南補北勉進黃龍湯法

鮮地

人參

生軍

元參

元明粉

菖蒲

竺黃

連喬

竹叶

甘蔗汁

代水煎藥

淵按蔗汁生飲最妙代水煎藥不但膩膈且失涼潤

之性矣

又下後舌黑稍退而脉反洪大神識仍昏陽明火旺也
清陽明燔灼之火救少陰涸竭之陰用景岳玉女煎

鮮地

元參

鮮藜

知母

竺黃

麥冬

石膏

竹葉

蘆根

蔗汁一杯

又津回舌潤固屬休徵風動頭搖仍爲忌歟溫邪雖退
元氣大虛虛風上擾不息又防眩暈厥脫今當扶正熄風
參以生津和胃

生洋參

鈎鈎

天麻

茯神

製半夏

石決明

秫米

陳皮

麥冬

竹茹

甘蔗皮

淵按熱滯雖從下而鬆肝家陰液早爲燥火所傷故見證如此遲下之累也

胡素有肝胃病適挾濕溫七日汗解八日復熱舌灰唇焦齒板口渴欲得熱飲右脈洪大數疾左亦弦數腕中仍痛經事適來靜思其故請明晰之夫肝胃乃腹中一藏一府木乘土則氣鬱而痛若不挾邪安得寒熱卽有寒熱斷無大熱以此爲辨也又詢大便堅硬而黑是腸胃有實熱所謂燥屎也考胃氣痛門無燥屎症惟瘀血痛門有便血然此症無發狂妄喜之狀則斷乎非蓄血此又一辨也渴喜熱飲疑其爲寒似矣不知濕與熱合熱處濕中濕居熱

外必飲熱湯而濕乃開胸中乃快與陰寒假熱不同再合
脉與唇其屬濕溫挾積無疑傷寒大白云唇焦爲食積此
言諸書不載可云高出前古

豆豉

鬱金

延胡

山梔

香附

赤苓

連喬

竹茹

蘼皮

外用葱頭十

四个鹽一杯炒熱熨痛處

按病本濕溫挾食交候戰汗而解少頃復熱爲一忌汗
出而脉躁疾者又一忌適值經來恐熱邪陷入血室從
此滋變亦一忌故用豆豉以解肌黑梔以清裡一宣一
泄祛表裏之客邪延胡索通血中氣滯氣中血滯兼治